



[Session 1]

Fwackyuk - Saflaiyen ac Mutawaukiyen Faclu

Saflaiyen faclu suc ma kut kalem kac ku mutawauk iyen faclu suc ma lumweyucklac. Pa inge mwe lutlut luo ma enenuyuck nuke lutiyaen book lun Fwackyuk. Saap sripen Fwackyuk nacnaclah ke srolweyan mwe keok ac srihkarak nuke moul. Tusruktuh, ma se yohk uh pa, book se inge akkalemye ma suc e fwa tuku. Kut in kalem kac la mac e sikyak uh. Leum Jesus El ac ekuhllac ma nukewa nuke ma wolana. Leum Jesus El ac aksuwosye nunuku nukewa. Jesus El Mwet Kol lun mutunfacl nukewa ke mislac. Tusruktuh, pacl se kut sramsramkin inge sonna tuku. Tokosrai lun God oactui nu faclu tusruktuh sonna akkalemyeyucklac. Leum Jesus El moulyak ac El akkalemye ma suwos uh nusin mwet Lal. Ke pacl sa, Tokosrai Lal e tufwa sikme. Fwackyuk sramsramkin pacl inmasrlon pacl mwet uh e pula ma upac ac saflahiyeen faclu suc ma akkalemye nusesr nu paye lac pa inge mutawauk sasuc ke moul lun mwet uh. God, mwet uh, ma koluk, mwe keok, Satan, ma upac, na Leum Jesus El ac kutangla ma nukewa ac El a tufwa oakiyac tokosrai Lal. Elos mwet Lal e tufwa ipeis mano wolana ac moul sasuc. Ma nusesr pa in kalem kac lac Fwackyuk lemtulauk ma e tufwa sikyak.

Apostle John el liye aruruma puspis sel Leum Jesus pa el sumula ke book lun Fwackyuk. Fwackyuk el nacnacla ke kain in luti ke moulyak lun Leum Jesus suc sramsramkinyuck pus liki book ke Bible Mutal natusr uh. Leum Jesus El wulela lung kulang ac finsrak nuke moul ne tok ma pahtpaht nuselos suc long ac akos mwe lutlut inge. Tusruktu, nuselos suc srangesr long - ac elos suc ma tia fwasr ke akwuck lun God - moul lalos ke pacl fasru uh e tufwa wangin sripac. Sim lal John inge ase lemlem na wowo se kut in akilen eklac nuke pacl misenge uh nuke pacl suc ma e fwa tuku. Kut in ngetlah liye pacl se ma kut e wi Leum Jesus ke yen wolana.

Na sie sin mwet elder uh fahk nu sik, "Nimet tung. Liye, Lion soko ke sruf lal Judah, su ma ke fwilin tulik natul David, el kutangla, ac el ku in kunausla sil itkosr kac a ikasla book sac" ~ Fwackyuk 5:5

Takunla lun Fwackyuk uh tuku ke ma suc ma oasr in pacl meet ah - nusin churches ke century se meet (Fwa. 2-3) - ac in som nuke ma suc e tufwa sikyak tukin ma inge (Fwa. 4:1-22:5), nuke kanausla lun mwet lokoalok ac elos suc lain church lun God. Ma inge sikyak ke sripac lun misla ac nununku in akfasryeyuckla nu fin faclu nofon. Ma yohk se ke Fwackyuk uh pa in akfulatye oatui lun inkasrao ac faclu sasu se (Fwa. 21:1-22:5).

Sifac yohk ke Fwackyuk pa:

- Tuku lun Leum Christ (Fwa 1:7)

- Mwe srikasrak lun God tuku sin Church (Fwa 1:9-3:22)
- Ma Sap lun God tuku sin Leum Christ (Fwa 4:1-5:14; 11:14-19)
- Nununku nuke ma koluk ac kutasrik (Fwa 19:11-21)
- Kasrao sasu ac faclu sasu (Fwa 21)

FACKOHLOH KE FWACKYUCK REVELATION

1. Kas in Takunla & Aruruma ke Christ: (1:1-20)
2. Leta nu sin Church Itkosr: (2:1-3:22)
3. Aruruma ke Inkasrao & Sil Itkosr: (4:1-8:1)
4. Mwe Ukuk Itkosr: (8:2-11:19)
5. Ku ke ma Koluk Lain Church: (12:1-14:20)
6. Ahlu Itkosr: (15:1-16:21)
7. Kanausyuckla Babylon: (17:1-19:5)
8. Kutangla Saflah & Jerusalem Sasu: 19:6-22:5)
9. Kas in Aksafye: (22:6-21)

Mutawauk iyen Fwackyuk akkalemye koanon book se inge (Fwa 1:1-8) na fakyang tohkoh pa leta itkosr nusin church itkosr (Fwa 1:9-3:22) fin acn Asia Minor (misenge pa Turkey). Inkaiyen Fwackyuk (Fwa 4:1-22:5) simisyuckla ke aruruma puspis ma akkalemye ma paye suc elos tia ku in liye ke mutalos ac weang ma suc e fwa tuku. Kapin book se inge pa sramsram in kaliyac (Fwa 22:6-21) se ma akpayeyelah enenu nuke sap soko nusel John inge.

Na lipufan akitkosr el ukya mwe ukuk natul uh, a toko oasr pusra lulap puspis tuku inkusrao me ac fahk, "Inge, Leum God lasr, ac Christ Mwet Sulosolla lal, pa leumi faclu nufon, ac God El ac fah leum ma pahtpaht ac ma pahtpaht" ~ Fwackyuk 11:15

Kais sie leta nusin church (Fwa 1:9-3:22) akkuteyac yohkiyen kalem lun Leum ke ma elos oasr kac suc pa mwe lokoalok (Fwa 2:9); mwe keok neke pacna in misa (Fwa 2:13); ac kutu mwe munas lalos ke moul in lulalfongi (Fwa 3:2,3). In sramsram kin ke mwe read se inge, aruruma ekasr (Fwa 4:1-22:5) ma sikyak nusel John inge, pa el sramsramkin ke book se inge.

Sripac yohk ke book lun Fwackyuk uh pa God El aksuwosyela ma nukewa in oana ke ma lungse Lal - ma inge nukewa akkalemye lung kulang Lal ac wolana suc ma El akfasrye nusin nukewa. Ma inge pac akkalemye sie sin sie ke God nusin elos suc lungse El ac akos akwuk Lal - pa kalem ke church Lal. Sie sin sie se inge pa lumeyuck nuke marut se suc ma oana kupasr lun Jeovah nusin mwet Israel (Fwa 22:20). Ac funu nusin church ma pulakin kohs, elos eis tari akul se inge nuke in oasr finsrak - suc ma akkalemye pacl se ma e fwa tuku ma suc ma inge nukewa e tufwa kalem ke loangeyuck lun God nusin mwet Lal.

Nusesr mwet lulalfongi misenge, Fwackyuk akkalemye finsrak se inge in oana wulela nuselos ke pacl som lah. Kut in nget nu meet oh in tupan tuku lun Leum, tusruktuh, kut enenu in kalem ke yohk sripac lun fwakak ke book se inge - suc ma kut enenu in fwakak ke lung kulang lun Jesus nusin mwet nukewa, ac oacyacpac in suli mwet uh in kupasryang nusin Leum misenge, meyen kut tia etu lac piac len se ku pacl se ma lunga kulang se inge e tufwa wanginlac. Pacl se ma Leum El a tuku, pacl in nununku se pa inge. Nununku lulpa se inge e akfasryeyucklac meet liki musaeyucklac lun kasrao sasu ac faclu sasu. Ke oinge uh, fwakak

lun Leum Jesus inge tia ma in akkalemye mukena finsrak nuke pacl se e tufwa tuku; kut enenu na in tuyak ac oracllah sulallah ku se in fwasr tukin Leum Jesus misenge, ke sripen saflaiyen mwe keok nukewa e sikyak meet liki ma koluk lun faclu uh akpayeyeyucklac. Ac tufwa mwe asor ac sangeng mukena - tusruktuh srak oasr finsrak lasr - kut fin forlah misenge. Saflahiye ma nukewa, Leum Jesus El ac kutanglah ac ma nukewa e tufwak aksuwosyeyucklac. Na ke oinge uh, kut mwet lulalfongi nukewa enenu na in akfasrye ma kunokon lasr uh pa ing suli mwet nukewa in tuku ac fasr tukin akwuck lun Leum Jesus ac in muta ye lulin poun Leum Jesus ac wi sie sin sie lun mwet lulalfongi.

[Session 2]

Sifac yohk ke Fwackyuk pa:

1. Tuku lun Leum Christ (Fwa 1:7)

Pa inge kutu fus ke Weleung Sasu suc ma sramsramkin tuku ak luo lun Leum Christ.

- Matthew 24:3 - Mwet Tumulutlut siyuck ke tuku lun Leum
- Matthew 24:27 - Sarom uh e sarmelik kutulap nwe roto
- Matthew 24:37 - Tuku lun Leum e sikyak oana len lal Noah
- Matthew 24:39 - Elos tiana etu ke ma sikyak inge
- 1 Corinth 15:23 - Christ pa akmoulyeyuckyak meet na tufwa mwet Lal
- 1 Thess 2:19 - Tefuro in kutangla
- 1 Thess 3:13 - Leum El ac fwa tuku wi mwet Lal
- 1 Thess 4:15 - Elos suc moul fwa som tukun elos suc misac
- 2 Thess 2:1 - Tuku lun Leum Christ e tufwa oasr sie sin sie yorol.
- 2 Thess 2:8 - El suc koluk lana e tufwa anwucki (Anti Christ)
- James 5:7-8 - Mongfirasr ac prue
- 2 Peter 3: 4, 12 - Wuleal lun Leum in folok and kusrao ac fwaclu e tufwa kunausyucklac

In oana pac kutu fwakak ma Leum Christ El ac folok in akfasrye kunaoslah lun faclu nuke mutawaukiyen ma suc akkalemeyeyuck ke Wuleang Sasu. Ma suc ma simisyuck ke Wuleang Sasu se inge motkeyuck mu pa inge lutiye len safla lun faclu (eschatology) efin tiana liksreni na akkalemeyeyuck lac nge e sikyak uh. Ac in akkalemeyeyuck pac la ma inge ase mwe akkeye nusin elos suc lipsre in sikaleni in tupan, in oasr finsrak, ac oayacpac in mutweng pac suc ma e fwa tuku.

[Session 3]

2. Mwe srikasrak lun God tuku sin Church (Fwa 1:9-3:22)

Churches Itkosr (7) Toeni lun alu suc ma sapkinyuck nusel John elan simis ke Fwackyuck 2-3; oasr fin acn Asia Minor: Ephesus, Smyrna, Pergamum, Thyatira, Sardis, Philadelphia, ac Laodicea.

a. Meah kalmeyacn numbers inge?

Meet kut fasn nu meet in readi book se inge, kut e akilen numbers ekasr inge - itkosr (7), akosr (4), longoul-akosr (24) ac, ac yohk na 144,000.

Itkosr pa in oana kut kalem kac uh lah oasr kalmeyac la sifanna. Oasr nien lam gold itkosr suc ma ahollah church itkosr. Oasr itu itkosr suc ma pac aholla lipufan ke kais sie church. Na, ke kut e fasn nu meet ke book se inge, oasr pac sil itkosr ke book limlim se, mwe ukuk itkosr in sukackin ma e sikyak, na ahlu itkosr ma nacnwack mulat lun God.

Itkosr uh lumweyuck muh number fohnlah se ma akilen orekma lun God nu fin faclu. God El mongla ke len ak itkosr tukin El oracllah faclu. Kut kalem pac kac la oasr len itkosr ke week se.

Ma lun God pa number tolu (3). El su mutal pacl tolu (Isaiah 6:3). El pa Trinity ke God Papa, God Wen, ac God Ngun. Ma lun faclu pa number akosr (4). Bible uh luti kut ke sruwasrik akosr (4) - ac eng akosr (4). Ke sruwasrik akosr inge, oasr pac kain in season akosr pac ke yac se. Na 'tolu' lun God ac 'akosr' lun faclu pa oracllah itkosr se nge.

Fisracsr kut in kalem kac number longoul-akosr. Oasr elders longoul-akosr. Number se inge tuku ke sruf singoul-luo lun Israel (Tulik nutin God ke Wuleang Matu) ac singoul-luo se sahyac tuku ke Mwet Tuma Lutlut lun Leum Christ (Elos suc sramteuk alu ke Wuleang Sasu).

Na ke oinge uh, kut ku in akilen lac number ke Revelation inge ase nusesr mwe akul kut in kut in kapsreni koanon book se inge. (Mark 13:32)

3 (God) x 4 (faclu) = 12 (Orekma lun God fin faclu)

12 (Israel) x 12 (Mwet Tuma Lutlut) = 144 (Mwet lun God, Wulean Matu ac Sasu). Singoul (10) pa number se akilenyac wolana ku kupsreni lun ma nukewa. (12 x 12) x (10 x 10 x 10) - number wolana se nusin mwet wolana.

Ke mutawaukiyen aruruma se lal John ke Fwackyuck inge, fwackyung nusel elan sim nusin church inge, - yohk nu nusin lipufan aolyen church inge (Lipufan lun Church). Koanon leta inge akkalemye fukoko in musaeyucklah suc ma lemlem mu oana wen nutin mwet suc ma misac ac moulyak ne tok ma pahpaht - Leum Christ su fallacna in akfulayeyuck (Fwak. 1:13-18); sulpac Dan 7:13-14; Fwak. 1:1). Kewa na leta ikosr (7) inge, tutahkungla mwe fwakak suc ma palyeyuck ke Fwackyuk 4-22). Let kewa inge oacyacpac akkeye churches inge elos in tu na kuh nuke ma suc ma e sikyak in fongolos ke pacl on keok suc ma e fwa tuku. Kais se pac leta akkalemye kain in luti nuke len saflah (eschatology) suc ma e ase mwe in sewowo nuselos suc e tu na kuh in kutangla ma inge kewa. (Fwak. 2:7)

Ke Fwackyuck pacna, number 7 se inge ngwesyuck pac nuke ngun, lipufan, seals, aluh, in sewowo, ac akfulat (doxology). Ke sripen number 7 se inge uh in fohlah nuke wolana lun God, leta itkosr (7) inge akkalemye pac wolana lun Leum Jesus nusin mwet Lal.

Koanon Kais sie leta.

Leta itkosr inge akilenyac lemlem se:

- I. Ikacslah lun Leta
 - a. *Simulsa*
 - b. *Kas inge* suc ma inge palyeyuck
 - c. *Nusin lipufan lun church*

II. Koanon Leta

- a. Kuh lun church (*mutawauk ke “Nga etu...”*)
- b. Munas lun church (oasr pacl orekmakinyuck *“Tusruktuh...”*)
- c. Pang nuke lulalfongi (pa *“esam, forla liki, aluliyak liki, fahsr tokol...”*)

III. Kaliyac lun leta

- a. *“Fin oasr srem, lela kom in long ma Ngun el fak nusin church uh!”*
- b. Wulelah nuke lung kulang ke len saflah (*“Nu sel suc kuhtangla...”*)

(Kut fin loacng nuke takinyen leta akosr saflah ingen tu siena liki leta tolu meet inge.)

Koanon kais sie leta - akkalemye ku, munas, ac pang nuke lulalfongi - suc ma kupasri nuke kuh ke orekma lun mwet sropo suc ma akilenyuck akkeyen kais sie church in muta nuke lulalfongi in Christ. Nuke leta itkosr inge kewa, lu are selos akkelemye woiyen kasrpaclos - Smyrna ac Philadelphia. Let nusin church Laodicea el tiana wo ma fwahkack kac an.

Church	Verse	Wo	Koluk
Ephesus	Fwack. 2:1-7	<i>“upaciyen orekma ac mongfistracsr”; “tia muteng orekma lun mwet koluk”; “konalosyak mwet kikiap”</i>	<i>“Kom tia lungse nga oan meet ah”</i>
Smyrna	Fwack. 2:8-11	<i>“Tu kuh ke mwe lokoalok”; “sukasrup” (elos kasrup)</i>	
Pergamum	Fwak. 2:12-17	<i>“Kom payena nusik”; tia fahsr liki lulalfongi”</i>	<i>“Fahsr tukun luti lal Balaam”</i>
Thyatira	Fwak. 2:18-29	<i>“Lungse, oaru, orekma, ac mongfistracsr lom”; “yohk orekam in pacl inge liki pacl meet ah”</i>	<i>“Kulasapu mutan Jezebel”</i>
Sardis	Fwak. 3:1-6	<i>“Kutu selos sonna akfohfohkye nuknuk”</i>	<i>“Mwet uh fahk mu kom moul, kom misa”; “orekma lom uh sonna suwos ye mutun God”</i>
Philadelphia	Fwak. 3:7-13	<i>“Kom akos mwe luti luk”; “kom oaru nusik”; “kom liyacng sap luk”</i>	
Laodicea	Fwak. 3:14-22		<i>“Kom tia misrisr ku fol” (wangin sripac); “kom tiana akilen lac kom kwao, elya lulap, sukasrup, koflefol, ac kun”</i>

[Session 3]

3. Ma Sap lun God tuku sin Leum Christ (Fwa 4:1-5:14; 11:14-19)

Fwackyuk 4:1-11 ikaclah in srumun ke throne-room aruruma suc ma akkalemyeyuck ke chapter 4 ac 5. Chapters luo inge luhmahllah petsac se ma John el suliyuck in liye ma suc ma e fwa sikyak. Meet liki na ikaclah nusel elan liye ma inge, elos ku in eis kalem lalos kac ke sripen kutu ma inge simlac tari ke book lal Moses, Ezekiel, ac Daniel suc ma oasr pac akkuteyac kac. Aruruma ke chapters inge ikaclah pac nusel fwakwelik lun Lamb ac oacyapac sramsramkin sil in nununku ke chapter 6.

Fwackyuk 5:1-14 na in tahfwelah pacna throne-room aruruma se ke chapter 4 ah. Pa inge pac se ma Leum Christ El sifwil pac tuhkahkinyuck mu El pa Lamb soko ma anwuki ah ac El pac pa elsa seal itkosr kac book limlim sac in akollah nuke pac in nununku. Pa fus 2 siyuck la ku el suc fwal ac wolana in ku in ikaclah book limlim sd

4. Nununku nuke ma koluk ac kutasrik (Fwa 19:11-21)

5. Kasrao sasu ac faclu sasu (Fwa 21)